

道听途说

一
函六册

道聽塗說卷之九

涇邑潘綸恩煒玉氏著

劉二

粵省俞孝廉以大挑授四川彭水令縣民劉二妻年少多姿爲其叔所私叔無家與姪共爨擁姪婦若已有二性懦婦與叔枕衾昵比恒無顧忌亦不敢有齟齬乃二不怒叔叔反怒二二或稍染其婦叔即憤不能平因遣出十里外爲富室傭工偶一夕叔以事披星早出適二自僦屋夜返兩相值於中途叔問深夜何歸二嚙嚙不能對叔咆哮暴作適有杖在手怒擊劉二斃命明日或以二死來告叔僞構冤詞控於邑宰卽俞公也得詞後差捕緝兇數月不獲叔頻控不已俞訪知叔與姪婦有奸意二必爲叔殺反詰之叔堅執不服言姪冤莫雪所由割切代伸豈

可以姪閉覆盆前使叔沉阿鼻俞終以情關殺命叔係原控屍親難以
刑勒屢鞫不能決因爲劉二刻一木主每訊此案必三漏始升廳凡唱
名先劉叔次劉妻再次唱劉二則使隸人抱木主以應或徹夜窮詰或
更餘而罷問畢卽安置木主於密室繫劉叔劉妻於檻外如是者已數
夕劉叔劉妻漸亦神倦恍惚木主後或呻吟聲或長歎聲或嗚咽哭泣
聲及夢醒時陰風慘慘咫尺鬼影乍有乍無俞密令宵不伺黑暗中以
偵兩人動止兩人者初甚驚悸旣而似嘆似視絮絮叨叨語低不甚可
辨一夕俞升廳聽唱劉叔劉妻以次相應及唱劉二隸人已應矣復有
鬼聲隨應於後而鐵索富響在耳側俞乃作色問曰劉二至乎曰至
矣曰適從何來曰自酆都獄曰汝來幾日矣曰已積旬終矣俞震怒曰
汝來許久何每夕唱名公庭汝敢抗不應點曰二欲自呈寸悃惟於殺

二者有不利即於二有不利焉故不敢暴洩耳乞霽雷霆詳察鄙意二不更諱矣曰殺人者不可索止需汝一決何諱爲且彼逞毒於汝大仇也汝欲以德報怨何自惑如此雖然汝試言之汝不自仇誰好事者必爲汝仇也曰殺二者二叔是也然以叔論抵則二之室人將失所倚託抱中呱呱者歲甫一週覆巢之下必無完卵是以惓惓焉況叔之殺二自是前生孽報匪今之故誠所甘心也俞曰曷自前生豈可使冤冤相報循環無已時吾不汝叔罪矣乃令劉叔自陳叔以活鬼不可欺匿且宰公業有宥情遂服俞方諭鬼使去鬼臨行猶再四叮嚀乞使刑不及叔宰亦諄諄無難詞然而供畫獄成仍以奸殺律置劉叔於法

鐔園氏曰劉二之死控冤者劉叔也雖有奸殺情則無首其事者劉叔不自承誰則能使之承者恐有老吏亦無如此獄何矣惟鬼言孽由前

生祇有遺累鬼力乞之宰首肯之使劉叔畏法之心冰銷雪釋夫而後甘心輸服而獄無遁情耳此一事往於西江舟中因客談鄧都軼事有俞令之紀綱羅某極言人平歸鄧都傳語不謬而舉俞之鞠此案者以爲徵信乃知吏作爲雖親隨人猶爲所惑况鄉愚哉

織織

涇人胡常者開設紅坊於漢口鎮資本巨萬傭工數十人屋宇深邃連數進貨物充溢。後一庫堆積雜物向居一日傭工者躡隙取物忽飛瓦破其顙鼠竄以下聞者往闚俱爲飛瓦所傷一時騰沸相驚以怪時常方以事回里其少子章在坊習業雖曰學徒回小主也章年十六容貌韶秀饒有膽略聞衆言嗤以爲妄。氣益橫竟安然無恙益笑衆人之謠言怪者積不能平。章曰非口舌所可爭請今夕獨宿樓上以

明其非怪傭工者多少年選事謂小主人能往宿一宵願共獻青蚨爲勝負賭章曰可則羣飲酒肆中要約以取信坊之管鑰長欲阻其謀而章不聽日中先攜襖被置樓上昏而往或請數人明炬以從章拒却之獨自籠燈以去旣躡梯有兩美人迎笑曰小主人何脫略至此拋擲錦窩於污穢中不清塵不帶榻誰爲汝婢媼者章視床帳衾褥皆陳設停妥亦不暇審兩美人之何自來也笑應曰有卿等在僕固無事汲汲也乃左攜右挈聯臂上榻上兩夫人仙姿綽約年皆十六七以來問其名長曰纖纖次曰墊墊同產姊妹也綢繆衾枕一箭雙鷗絕不似小家子動含醋意自章往後每管鑰長甚懸懸晨興見章下樓如舊衆始帖然咸謂富貴家其福厚妖所不敢擾章於樓中遇夫事秘不以告其青蚨戲賭亦一笑置之但言後樓僻靜夜眠甚適遂盡檢衣履箱籠徙

居焉初猶傍晚始詣樓棲止漸而白晝看妝纏綿紅粉除兩餐外無復
前塵蹤跡狂笑顛戲聲徹樓下坊中人偵悉其情羣相勸諫章不聽
越數月苟令腰肢日加瘦損弱態慄慄玉山欲倒嘗自土中來瓦草柴
瘠不堪駭甚窮詰顛末管鑄長知不可諱遂以實告但隱其賭贍之由
止言兩怪作祟誘勒郎君使宿處樓中禁不得下常曰妖物爲害固難
爲君等尤然竟聽其沉溺富亦非計也是夕飭章留臥已榻側雖兩
怪不能至而異變紛紛從此多故始惟人至後樓方遭鬼蜮至此則騰
空瓦石飯甑泥沙貨網衣箱冒烟熾火墮撲隨興窘擾萬端無可救止
常計窮無奈只得送章後樓揖而祝曰常家自先祖以來世代忠厚並
非積不善之家必降百殃以示罰若仙姑與兄有緣自必兩情愛悅方
效于飛倫常大義仙凡應有同情豈有旣託絲蘿而甘視所天之不壽

者乎兒婦之私本非堂上人所當問然數月以來兒病軟弱症疴羸已極雖數夕暫以膝下究竟無補於病仙姑雲海蓬島必有靈山妙藥可以立止沉痾今挈兒來窺顧首即託願仙姑鑑常愛憐少子之情餌以金丹俾弱子亡而復存誠肉骨之感也生死關頭幸勿輕爲兒戲常言盡此惟仙姑念之祝畢則委章以去纖纖姊妹深感常付託之意雖數日離襟覲面不無繾綣而已多存肅肅惟章以少年情種作花裏秦宮本不能冥心學佛連日格於嚴命強割情絲幽思渴想方當一日三秋乃復喜從天降鴛譜重新謂欲作柳下惠坐懷不亂則未免有情誰能遺此兩姊妹乃動色相戒曰君不畏死乎嚴君之囑名言不可違也妾等雖異類其於天性則一所由委身願奉巾櫛者誠嘉耦之爲妃非怨耦之爲仇也從此房中琴瑟官視作禁體文章毋使悠悠之口謂中饋

有不賢婦以愛君者禍君則妾等之願也若君必欲自墮地獄將送君歸堂上妾等亦歛迹空山此後脫欲相見祇可索諸無何有之鄉矣章不敢拂則唯唯聽命兩美人勸治湯藥晨夕無懈視所服藥亦參苓常劑而并露果饈茶筴粥甌事事工調深可病人胸臆不旬日而膚肉豐腴大有起色常甚欣慰詎章終不能守少年之戒更一二月而骨立嶙峋仍前消瘦常念二女妖終非好相識思遣章遠徙以避之有季弟設錢肆於湖南之常德府乃密買小舟遣一老成夥從章顛頂以行至常德季初見甚驚及閱常書但云章以病來投調治而不言避妖之故夥亦無所表白章而季以病人喜靜亦帶後樓居之假一傭工供饗殮司藥餌焉乃章至之夕二女亦至相見之時且喜且悲章曰威命敦迫竟不及與卿等一握手別竊謂從此永訣更無謀面之期不圖仍得

相聚卿卿恩義沒齒難忘矣纖纖曰枉拋羞臉使盡柔腸徒取尊翁厭惡本宜忍情割愛各判一天而猶相戀戀者以之子之非甚無良也蟄曰湖神威赫要絕津梁履危涉險幾不免性命之憂轉而思之何苦乃爾哉章曰自違卿等淚眼盈盈幾何竟死卿等豈未之知耶纖纖曰深感有情然苟肯俯聽忠諫何至招忌若此抑君自取厲耳蟄曰世俗不察總以君之病歸咎我等今雖相從遠道亦須君知自愛方可長相聚自否則獨受罵名惟有決然捨去也嗣是章持閨訓雖亦略戒也荒然而花月場中誰則果於惜命者是以痿頓之形卒頽而不振久而閨室之私漸傳衆口季亦大爲駭異郵書間常始知章固避妖以還自然陷溺已深勢不可以復挽又數月愈益不支季思章雖情同已出生死略無嫌忌但兄之託豈於我所以求生也今卽無以副兄託而忍坐

視其斃耶此地不可復留漢鎮不可復反轉輾思維無如送歸梓里使章去而妖不從固可全章於生卽章去而妖從亦可安章於死然知章情已不可奪若明告之必有牴牾乃託詞以語之曰去三十里良醫某有回生之術今已具舟河下盍往就治當慶有瘳焉章諾之而入歸於棧則凡章之一絲一縷無不檢而置諸籠趣章盡攜以行章言數十里往還但晨夕事耳何必多所攜取纖云旣就良醫必病瘉方返時日未可卜什物當取便也章信之不復置議遂別而行舟旣發則泛濫還駛不知所屆章詢從行者始知叔之給已也方悟兩姊妹聲枯果裝之故啓簾閱視皆已物惟繡巾一幅以綵線分綴汗蛻十枚於上則兩姊妹之所贈也抵里後延醫診治服參苓數月病亦痊可此道光二十二年事迨二十六年章復至漢口情繫兩姊妹虔心默禱欲求一見不可

復得矣章言分袂時蟄蟄妊身已四月有餘璋瓦不可知若男也時可
總角就塾矣

鐸園氏曰星狐也若求一男子何處不可得而必雙蛾一繭沾沾
於胡氏子哉豈果因緣之說雖異類亦不可逃者乎觀其聞胡常之
正論而戒章於色秘胡季陰謀而趣章於行固不愧爲賢女子也蟄
蟄之產爲男爲女其後或歸章或不歸俱未可知第二女既能決捨
於章歸涇上之時又何難割愛於章徙湖南之日哉意者緣有未盡與
抑荳蔻之含胎不再閱四五月不足以驗徵蘭之信與

朱大善

朱大善涇之東鄉人客武穴鎮爲朱大興絲烟棧掌計簿忽一日立而
反蹶眉睨曰張口泛涎沫皆不知人譖語喃喃多怨詞細察之蓋厲鬼

之索債前生者因詰其詳答云朱固我之契友也然已託生四世矣其
最先一世朱與余亦同爲涇產所業爲行腳漢余之姓洪朱之姓胡也
同携郵筒往來涇漢間胡有智歸而余則年踰四十尙游泳以鰥
雖有胞姪浪蕩不習牛業非兄家之令子辛苦行囊中私蓄三百金秘
不洩於人契如胡友不之知也一日挾漢江函信與胡友同舟返涇中
途疾作且殆自知不治因告胡友曰我兩人義均兄弟且永訣特有
所託於君余行囊中金三百頃目後煩君視殮計持此金經營旅櫬
歸正首邱外尙有餘資洪家小豎子雖甚不材然係吾兄一脈之延宗
祧所託義猶吾兒也下葬後乞檢餘金付之期無餒若敖之鬼焉胡友
任殮任葬俱如所囑惟餘金盡飽私橐並無一錢俾洪氏子余時心懷
冤抑欲待胡死一決不謂余守湖北胡死涇上數千里稽察所及胡已

託生直隸由直隸而轉生山西由山西而復生涇邑卽今之朱大善者
是也余待彼已近百年陰曹之需費非尋常可比今特索前生債以關
陰曹之空債不償訟不能罷也淡旬之間不惟大善病狂機內種種作
祟閉門不通貿易人心惶惶不知所措仍以問之病者則言余已控詞
本地城隍廟移牒涇縣咨取原案案委邑土地來鎮共聽斯獄今須朱
大善呈覆牘焉聞鬼言者以爲陰曹之獄未易訴也或言南市某甲善
具獄詞乃召而商之甲至謂陰獄之與陽律其理一也旣負洪翁債當
具限狀以約清償期然幽冥異路未可以金銀歸趙計惟有冥鏹可焚
耳因具訴詞言當日致誤所訴者並非有意願作負心人但恐洪姪不
材到手黃金涸可立待不如假作資本歲權子母之利洪之畜積旣不
至一朝耗盡某亦略沾餘潤俟豐腴後或算交乃姪或爲置祭田於祠

以傳之永久不圖一病偶染未及清釐而遽嗟溘逝此則當日負託之由耳今乞准立十日之限多焚楮鏹倍息償於是出其俸銀四十餘金悉市楮鏹以焚於廟病者復言曰四世之債負已倍息算結現清償之外尚餘數千金已代朱大善登簿寄庫待朱壽終時可報名自取也余藉楮鏹力輸帑豐贍業奉閭君曾往生休甯汪氏家當由不讀得官刺史倘念舊好可往訪於休甯則說而有日也言既畢朱病若失聞其病時所作茫不記憶矣然南市某甲自詔獄詞之力能脫朱於死而所費且不甚奢因之勒索重謝非百金不足以稱報德街之左右隣相與調停卒報以四十金中殊不滿意焉

鐔園氏曰冥錢之制所以濟報鬼者用意之窮也豈真有鬼市焉爲之通緩急哉朱大善事傳聞於族人大茂茂開傘鋪於朱棧對門事係目

擊應非子虛第以行腳漢而積金三百且置行囊似非情理之宜又所稱洪姓胡姓皆不言其名相去百年無憑証而且控理之案不聞質訊於公庭輪帛幾遍遽博高官於來世餘銀寄庫既無劣據休謂過訪亦祇空言他日取銀烏有謀而無人又何處尋此洪鬼而責其妄哉竊意此即冥界中之市某捏詞冒詐者耳非真有所謂洪姓冤魂也

謀代鬼

歙邑田翁設肆藤溪去其家七十里一日因店有急務來召夤夜由家赴店是夕天微陰色不甚爽朗隱約間有少婦尾其後每遇橋梁未見超越輒先翁而過翁訝其異且少婦夜行安得無一人作伴若因鬪口而逃則不應鬚髮裙衫悉俱完整心竊疑其非人就訊之婦曰妾縊

鬼也然不爲翁禍前有什魔聖殿不得過向欲籍光帶挈也。素負
膽許之既過廟翁意不自釋謂既係縊鬼此必爲人禍因復問鬼
此行將何作鬼曰妾欲告以肺肝然妾不禍翁翁亦必毋禍妾也妾往
雄村求替耳翁曰誰實替汝者願聞其詳鬼曰雄村曹某家有童養媳
姑御之嚴雖已諸花燭然以出自抱中鞭笞習慣不以成人稍恕邇日
因滌製冬菜有廚刀自筐底漏墮水甕中人無知者姑誣婦貨易粉糖
鞭之見血尙窮追未已婦且冤無可伸訴今夕將投繯是卽妾之替也
翁曰以汝纖足遠道夜闌尙滯途中脫有先子而至者予亦徒然矣
曰是不然凡境內有欲自縊者土地以告無常無常行牒授意應替者
此間數十里內更無他鬼妾是以奉牒而來也從來枉死鬼苦雨淒風
飄零無倚往往數十年尙難謀一代妾大幸雉經僅半載已有代者誠